



Ս Փ Յ Ո Ւ Ռ Ք Ո Ւ Մ

ԵԿԵՂԵՑԱԿԱՆ ԿՅԱՆՔ — ԲՈՒԽԱՐԵՍ

Ռումինահայ թեմի առաջնորդ տ. Տիրայր Կալիսկոպոսի նախագահության ներքո սույն թվականի հունվարի 29-ին, տեղի առաջնորդարանին կից թանգարանի սրահում, առաջնորդ հոր նախագահությամբ, տեղի է ունեցել 1967 թվականի ընթացքում կայանա-վիր միջոցառումների (դասախոսություններ, հանդիպումներ, հանդիսություններ և այլն) հանդիսավոր և պաշտոնական բացումը:

Իր բացման խոսքի մեջ թեմական առաջնորդը հատկապես շեշտում է հայ եկեղեցու դերը արտասահմանում, հայապահպանման գործի մեջ: Առաջնորդ սրբազանը նշում է նաև, որ ուումին կառավարության քաբեխնամ և հողատար վերաբերմունքի շնորհիվ հնարավոր եղավ կազմակերպել եկեղեցական իրերի թանգարան, որը հնարավորություն կտա հաճախակի կազմակերպելու զանազան միջոցառումներ:

Իր խոսքի վերջում սրբազանը շնորհակալություն և գնահատանքի խոսքեր է ուղղում կրոնից նախարարությանը:

Այնուհետև ձայնաժապավենի վրա ունկընդրվում է՝ 1966 թվականի հոկտեմբերի 2-ին ս. էջմիածնում տեղի ունեցած Ն. Ս. Օ. Տ. Տ. Վաղգն Ա կաթողիկոսի գահակալության 11-րդ տարեդարձին նվիրված հանդիսությունը, որին մասնակցել էր նաև ուումին օրթոդոքս եկեղեցու պատվիրակությունը՝ ամենապատիվ տ. Ժուստինիան սրբազան պատրիարքի գլխավորությամբ:

Իր հերթական նիստում թեմական խորհուրդը լսում է և հավանություն տալիս՝ ս. էջմիածնից ստացված № 1120 (17 դեկտեմբեր 1966 թ.) հաղորդագրության բովանդակությանը, որտեղ ասվում է, որ Հայաստանյայց Առաքելական ս. եկեղեցին իր մասնակցությունը չի բերի Անթիլիասում տեղի ունենալիք (29 հունվար — 10 փետրվար 1967 թ.) արևելյան եկեղեցիների խորհրդակցությանը:

Թեմական խորհրդի որոշմամբ այդ նամակը եկեղեցու մեջ ընթերցվում է ի լուր հավատացյալ ժողովրդի:

ԵԿԵՂԵՑԱԿԱՆ ԿՅԱՆՔ — ՍՈՖԻԱ

Տ. Մեսրոպ քահ. Բենլիյանը՝ Սոֆիայի ս. Աստվածածին եկեղեցու ծխատեր քահանան, գրում է մեզ՝ եկեղեցական ու ազգային այն տոնակատարությունների մասին, որոնք հանդիսավորությամբ տեղի են ունեցել Սոֆիայում՝ ս. Աստվածածին եկեղեցում:

Հունվարի 6-ին՝ Քրիստոսի ս. ծննդյան և Զրօրհնյաց տոների առթիվ, իր ցանկալի մասնակցությունն է բերում հայ եկեղեցու հանդիսությանց գեր. տ. Նիկողայ Կալիսկո-

պոսը՝ Սոֆիայի բուզար օրթոդոքս եկեղեցու հոգևոր աղագեմիայի ղեկավար: Հավարտ ս. պատարագի, ի պատիվ հարգարժան սրբազանի, կազմակերպվում է ընդունելու-թյուն, որի ընթացքում գիտնական հոգևորականը՝ տ. Նիկողայ Կալիսկոպոսը, հանդես է գալիս հայ եկեղեցու և հայ ժողովրդի մասին ջերմ խոսքերով, որոնք բխում են բուրբ եկեղեցիների միջև եղբայրական սիրո զգացումներից:

Հունվարի 29-ին՝ կիրակի օրը, մեծ շուքով և հանդիսավորությամբ նշվում է «Մ. Վարդանանց զօրավարաց» ս:ղգային-եկեղեցական մեծ տոնը, որին նվիրված հանդեսին և ս. պատարագին ներկա է գտնվում նույնպես զեք. տ. Նիկողայ եպիսկոպոսը՝ իր շքախմբի անդամներով (8 քահանա և 12 ուսանողներ):

Օրվա տոնի ս. պատարագին իր մասնակցությունն է բերում նաև եկեղեցու «Զվարթնոց» երգչախումբը:

Իր քարոզի մեջ տ. Մեսրոպ քահանան ջերմորեն ողջունում է բուլղար եկեղեցու հյուրերին և իր ու ժողովրդի ուրախությունը հայտնում նրանց հաճելի մասնակցության առթիվ:

Իր պատասխան խոսքում տ. Նիկողայ եպիսկոպոսը շնորհակալություն է հայտնում իր և իր շքախմբի անդամների անունից՝ ջերմ ընդունելության համար: Նա մաղթում է, որ Վարդանների և Ղևոնդների պայծառ ոգին միշտ վառ մնա հայերի հոգիների և դիտակցության մեջ: Նա նշում է նաև, որ 451 թվականի Վարդանանց պատերազմը հայերի

ներկա գոյության ամենազխավոր ազդակներից մեկն է հանդիսացել:

Հավարտ ս. պատարագի տեղի է ունենում ընդունելություն՝ ի պատիվ օրվա տոնի հիշատակի և հյուրերի: Տ. Նիկողայ եպիսկոպոսը բաժակ է բարձրացնում Վազգեն Ա Հայոց Հայրապետի թանկագին կենաց, իսկ ուսանողները հոգեթով երգում են Հայրապետական Մաղթանքը՝ «Многая лета»-ն (կրկար տարիներ):

Հունվարի 25-ին, տ. Նիկողայ սրբազանի հրավերով, տ. Մեսրոպ քահանան դասախոսություն է կարդում Սոֆիայի հոգևոր ակադեմիայի բարձր լսարանի ուսանողության համար՝ հայ եկեղեցու ծիսական պաշտամունքը և ժամերգությունը թեմայով: Դասախոսության վերջում տ. Մեսրոպ քահանան պատասխանում է ուսանողության զանազան հարցերին:

Վերջում տ. Մեսրոպ քահանան գոհունակությամբ ընդունում է տ. Նիկողայ սրբազանի հրավերը՝ հաջորդ անգամ դասախոսելու՝ քրիստոնեական հնագույն տաճարներից մեկի՝ ս. Էջմիածնի մասին:

